

IN F E S T O  
A S C E N S I O N I S  
C H R I S T I  
O R A T I O

*Habita in Basilica Lateranensi*

AD SANCTISSIMUM D. N.

C L E M E N T E M X I I .  
P O N T I F I C E M M A X I M U M


A B A N T O N I O C A I S E L L I  
P A T R I T I O U T I N E N S I C O M I T E &c.



R O M A E  
E X T Y P O G R A P H I A V A T I C A N A  
M D C C A X X I I I .

---

*Superiorum permissu.*



(III)  
*BEATISSIME PATER*

ANTONIUS CAISELLI  
FELICITATEM.



*I tanta apud  
ethnicos homi-  
nes, SANCTISSI-  
ME PATER, cor-  
poris, animique  
præparatio habebatur; cùm  
de aliquo mysterio, quod omni-  
no profanum erat, atque sa-  
crilegum, sermonem instituen-  
di se se ipsis offerebat occasio,  
quid mihi potissimum erit ho-  
dierna luce, qua rem tam san-  
ctam, divinamque colimus, ut  
gloriosa Domini Ascensio nobis*

*configuratur. Quam dispar munus collatum est mihi, & quidem majoris dignitatis atque excellentiæ, quantum super omnes gentilitatis errores indeffectibilis hujus nostræ Catholicæ Legis veritas conscendit. Præterea CLEMENS MAXIME, etiam pertimescendum est mihi, cum scio me ante summi Romanæ Ecclesiæ Sacerdotis, & Principis conspectum dicere, ipsique qualiscumque ea sit Orationem meam dicare. Etenim jam patet, quanta in Te dignitas sit atque majestas, quanta etiam lux effulgeat ut in amplissima Petri Sede constitutus tanquam lucerna super cande-*

*labrum*

labrum posita mentibus nostris  
 ignorantia tenebras procul eli-  
 mines, tantumque æternæ ho-  
 minum salutis desiderium resi-  
 deat, ut dux animarum factus,  
 & rector, ipsas per rectam Cælo-  
 rum semitam conducas. Neque  
 verò alia beneficia ignota sunt  
 quæ admirabili munificentia no-  
 bis impertiris. Quid sunt tot  
 ædificia non dicam instaurata,  
 sed ab imis usque fundamentis  
 ad Romanæ Urbis ornamentum  
 erecta, nisi animi Tui magnitu-  
 dinis argumentum? Nec cæte-  
 ra desunt, quæ æterno utpote re-  
 rum omnium conditori consecra-  
 ta, quemadmodum hîc intue-  
 mur, rem Divinam nobis au-

*geant , & Religionem . Liceat  
 commemorare summam in pro-  
 scribendis erroribus vigilantiam,  
 in dirimendis controversiis sa-  
 gacitatem , in reformandis mo-  
 ribus sollicitudinem , suavissi-  
 mum denique in componendis ,  
 concordandisque Principum ani-  
 mis imperium . Te incorruptæ  
 justitiæ vindicem , liberalium  
 artium fautorem , Patrem com-  
 munem , Pastoremque vigilan-  
 tissimum agnoscimus ; Deumque  
 Optimum Maximum enixe  
 precamur , ut Te diù sospitem  
 in terris , ad Orbis consolatio-  
 nem , Ecclesiæ utilitatem , bo-  
 norumque omnium tueatur aug-  
 mentum .*

ORA-

(VII)



# ORATIO.



Ulla profectò dies BEATISSIME PATER, tantam jucunditatem hominibus, tantumque felicitatis incrementum, vel etiam, ut verum fatear, tam validum. Tartareis spiritibus timoris argumentum exhibuit, quàm quæ hodierna luce Christiano Orbe, vobisque potissimùm adstantibus in hac Sacrà La-

(VIII)

teranenſi Baſilica celebratur , & colitur ;  
cùm huic præcipuè , poſt abſolutam perfe-  
ctamque hominum redemptionem , poſt  
traditum nobis clariffimum ſanctiſſimæ vi-  
tæ , ineffabilisque doctrinæ teſtimonium ,  
poſt bene firmatam legem , optimisque  
ſanctionibus munitam , poſt rupta mortis  
vincula , fractasque dæmonum vires , at-  
que potentiam integrum ſuarum victoria-  
rum complementum Reparator humani  
generis Chriſtus Dominus reſervare vo-  
luerit , eandemque inter cæteras omnes  
ſibi præelegerit , ut ad paternæ majeſtatis  
gloriam , unde jam descenderat , ſe recipe-  
ret . Quid ni fremet iratus dæmon , atque  
undique velut inſanus excandeſcat ; cùm  
tantam , tamque inopinatam animarum ,  
quas è rapacibus ablatas unguibus Redem-  
ptor in libertatem aſſeruit , jaſturam pro-  
ſpiciat ; quoſque virulentus ipſe inimicus  
primi habitaculi foelicitate dejecerat , eos  
ſibi concorporatos Dei Filius ad dexteram  
Patris collocarit ? Contendant igitur ho-  
mines ſummâ nunc exultatione repleri ,  
atque munificentiffimo Orbis Liberatori  
perennes pro tam eximio munere gratia-  
rum actiones effundere . Etenim noſtra  
præ-

*S. Leo Serm.  
de Aſcen. Do-  
mini .*



(IX)

præsertim sunt bona, nobis hæc potissimum beneficia collata sunt, quæ è gloriosissima Domini Ascensione manarunt. Hodie fragilis humana conditio Divinis cumulata honoribus super omnem Cæli militiam super omnes Angelorum ordines omniumque potestatum altitudinem in Christo conscendere visa est. Hodie Christus ascendens in Cælum facere, & docere designans Petro, ejusque Successoribus dilectissimam Ecclesiam sponsam regendam, gubernandamque tradidit, contra quam nec tyrannorum immanitas, nec hæreticorum hominum dissensiones, persecutionesque, nec tandem portæ Inferi unquam prævalere potuissent. Hodie potentissimus gloriæ Rex prælium iterum confecit in illum, qui naturam humanam in servitute captivam detinebat, mortisque habebat imperium, quemque in ara Crucis vulneribus fauciatus, & toto corpore confossus, atque in mortis articulo constitutus stravit, evertitque, nunc immortalis gloria, & majestate repletus acriorem pugnam repetit, simulque victorias ingeminat. Revera plus roboris, firmitatisque Christi Domini Ascensio Apostolis, & Discipulis con-

*S. Leo Serm. 3  
de Ascen. Domini.*

*Matth. c. 16.*

*S. Greg. Orat.  
de Ascen. Domini.*

contulit, quam ipsum mortis, Resurrectionis-  
 que mysterium ; cum enim factum esset , ut  
 de exitu Crucis trepidassent , atque de fi-  
 de resurrectionis fuissent ambigui , Christo  
 tamen properante ad Patrem , omnem du-  
 bitationem , animique suspicionem depo-  
 fuerunt , tantamque in omnibus Catholicæ  
 Religionis veritatibus stabilitatem accepe-  
 runt , ut pro veræ fidei confessione non  
 carceres , non exilia , non ferarum lania-  
 tus , nec dominantium imperia aliquo modo  
 perterrerent , sed potius pro Christi nomi-  
 ne vitam ipsam in ultimum discrimen li-  
 bentissimè adduxissent . Quam itaque animi  
 constantiam , atque fortitudinem , quæ in  
 Oecumenicæ Ecclesiæ Aurorâ videbatur ,  
 utinam , & nunc , utpote hodierna solem-  
 nitate roborati , nostris cordibus infixam  
 haberemus , ut pro veracissimæ Religio-  
 nis , quam invicem profiteamur , augmen-  
 to mortem ipsam non aufugeremus . Quam-  
 quam quis particeps Christi gloriæ esse  
 præsumat , nisi qui particeps fuerit & pœ-  
 næ ? Plures Christus comites habet , si Je-  
 rosolymam plaudente populo festanter in-  
 greditur , si admirabilis potentiæ signa  
 undequaque relinquit ; ipsum tamen dese-  
 rant ,

(XI)

rant, si hominibus quærat<sup>ur</sup> ad mortem, si velut Agnus ad tribunalia trahatur, si tandem durissimæ affixus Cruci spiritum emittat. Fugiant enim, animoque perhorrescunt ubi tanta tristitiæ, dolorisque materies objicitur; quæ tamen oculis, mentique arrident, libentissimè sapiunt. Non igitur totis nos viribus, animoque in Christo glorificato solùm immoremur, sed nec ab ejusdem passione, vulneribus, Crucis patibulo, mortisque ignominiâ mentem nostram penitùs removeamus, si salutares nobis de gloriosa Domini Ascensione partos sperare velimus effectus, fructusque percipere.





4  
DE INEFFABILI  
TRINITATIS  
MYSTERIO  
ORATIO

*Habita in Sacello Pontificio*

AD SANCTISSIMUM D. N.

CLEMENTEM XII.

PONTIFICEM MAXIMUM

A CAMILLO PALLAVICINO

*Patritio Cremonensi, Marchione &c.*

COLLEGII CLEMENTINI CONVICTORE




ROMAE

EX TYPOGRAPHIA VATICANA

M. DCCXXXI.

---

*Superiorum Permissu.*



( III )

*Sanctissimo Domino Nostro*  
**CLEMENTI XII.**  
**PONTIFICI MAXIMO**

**CAMILLUS PALLAVICINUS**  
**FELICITATEM.**



*N tibi BEATISSI-*  
*ME PATER, quam*  
*de Augustissima*  
*Trinitate Orationem habui, mu-*

A 2

nus

*nus dicentis exiguitate minimum, amplitudine argumenti, & majestate dignum maximè, quod tibi inscriberetur. Trinus ille, atque Unicus omnium Deus, de quo dicere per te mihi licitum fuit, neminem magis suæ Vicarium potestatis voluit in terris esse, quam Supremum Pontificem, Te inquam, quem maxima letitia renunciatum accepimus, & recurrente jamjam ab sapientissima electione anno jure optimo meritoque gratulamur acceptum. Ille est, qui intropiciens, quantum in te pietatis, quantum justitiæ, quantum rerum, & exemplorum esset, supremam hanc dignitatem*  
*feli-*



*felicissima successione in te tran-  
stulit ; & ad Ecclesiæ decus , &  
regimen difficillimis temporibus  
tuas virtutes admovit . Ex his  
penè infinita in dies profluunt  
digna Principe , digna Pontifi-  
ce ; multa , quæ etiam ad nostras  
aures sæpè permanant , ut mi-  
rum sanè videatur maximis oc-  
cupatum negotiis , humilium pos-  
se curis interesse ; quum tamen  
non intersis solum , verum eti-  
am summa præsis humanitate ,  
& integerrima illa , qua polles ,  
justitia . Deo igitur tuæ dignita-  
tis Auctori , & vota publica ,  
& gaudia commendo , ut quæ  
jucundissima jam inde ab ini-  
tio fecit , diuturna faciat ; eum-*


(VI)

*demque oro , ut , quæ mihi ad  
tuos pedes provoluto tua bene-  
dictione præstas , ipse prober ,  
atque recenseat .*

ORA-



## O R A T I O .



Uod caput est religio-  
nis, Beatissime Pater,  
Augustissimum TRI-  
NITATIS Mysterium,  
cælestis patriæ beati-  
tudo, & solatium, Dei  
immortalis occupatio  
constans, & perpetua

felicitas, idem est hodiernæ Celebritatis,  
& meæ orationis argumentum. Verebar  
itaque, ne non infinitæ dignitatis fastigium  
attingens, nimium auderem, & *in Cælo po-  
nere os meum viderer*, quum de eo verba fa- Psal. 72.  
cerem, quod nec oculis intueri, nec ullo potest  
fermone complecti. Sed me recreat, &  
reficit ad similitudinem Conditoris procrea-  
tum hominem meminisse, ut sui imaginem refe-

referret Auctoris , & quæ Deo inesse tu-  
*Ad Rom.* ta quadam mente perciperet, *corde crederet*  
*c. 10.* *ad iustitiam , ad salutem autem ore fateretur .*  
 Quod igitur evenit mihi ex sententia , ut  
 de ineffabili dicerem TRINITATIS My-  
 sterio , id e religione ratus contigisse , ma-  
 ximè humanum opus me fore facturum sum  
 arbitratus , si quæ Deo revelante accepi-  
 mus , humanis identidem eloquiis usurpa-  
 rem . Ascendebat nuper optimè de homi-  
 num salute meritus , ut Patris dexteram  
 teneret , Unigenitus Filius , & jucundissi-  
 mè Patrem compellans hisce vocibus ute-  
 batur ; *Nomen tuum hominibus , quos dedisti*  
*17. Jo. 6.* *mibi Pater manifestavi .* Hujusmodi verò te-  
 stimonium tacita nos cogitatione compri-  
 meremus , nec ex animo effaremur potius  
 supremam Patris majestatem ex Filii sa-  
 pientia nobis aliquando fuisse compertam ?  
 Opportunum profectò quod maximè expedit,  
 quam sæpissime commemorare . Quid  
 vero expediet magis , quam ut ea , quæ  
 certa fide tenemus , quæ ab ipso Unigeni-  
 to edocti sumus , castè , & integrè refera-  
 mus , & de Deo loquentes ad Deum ma-  
 gis , & magis pertinere censeamur ? Apud  
*3. Matt.* Jordanis aquas *vox Patris intonuit , Hic est*  
*3.* *Filius meus dilectus , ipsum audite .* At tanta  
 Patris sollicitudo , ut Filium de se testimo-  
 nium

nium perhibentem audiremus , non ne animos mentesque hominum aperta quadam benignitate proleclat , ut nedum ejus exemplis mores nostros , vitam vitæ ; verum etiam doctrinis internos sensus , & cogitationes ; voces vocibus conformaremus ? Conformamus verò , quum fatemur cum Beatissimo illo Apostolorum Principe ; *Tu* 8. Mar.  
*es Christus Filius Dei vivi* ; & in ista veluti 25.  
totius religionis arce hæc confitemur , ubi per illum validissima Ecclesiæ , & perpetua jacta sunt fundamenta . Neque verò sine maxima divini illius Spiritus ope , atque consilio id fateri nos posse arbitramur , qui sub Columbæ specie visus est revelationem Augustissimæ TRINITATIS perficere , quum Unigenitum Pater hominibus manifestaret . Quæ cum ita sint , ut aliter esse non possint ; en Deus magnus scientiam nostram exuperans , quanta usus est clementia nostris sese mentibus patefaciens , quo animos amore devinxit ; quanta , quam maxima & singulari complexus est benevolentia ! Abscedat igitur humanarum caligo rationum , & omnis perditorum hominum memoria funditus evellatur , quos vel Catholicis finibus Nicæna Synodus , quod contra dignitatem Filii sentirent , exterminavit ; vel quos Spiritus Divinitati adver-

adversantes , Oriens ab Ecclesiæ sinu eje-  
ctos exaudiit , Nos accepimus profligatos.  
Quare id mihi superesse satis intelligo , ut  
eo definam , ubi est pietatis exordium ; gra-  
tuler scilicet , vereque gratuler Orthodo-  
xæ Ecclesiæ , Fidei , & Religioni post ca-  
tholicorum hominum memoriam Sanctum  
esse in terris , & constans *testimonium illud* ,  
*quod in Cælo perhibent Pater , Verbum , &*  
*Spiritus Sanctus .*

*Aug. l. 6.*  
*1. de lib.*  
*Arb.*

*s. Joan.*  
*7.*





